



Universitätsbibliothek Paderborn

**Römischer Kayserlicher Maiestat || ordnungen
fürsehungen vn[d] erclerungen/ wie allenthalben || im
hailigen Reich/ vnd sunderlich Teütscher Nation/ wi-||der
die manigfeltigen vergweltiger/ ...**

Karl <V., Heiliges Römisches Reich, Kaiser>

[Augsburg], 1522

VD16 D 1067

Was die beschedigeten von den guetern der Echter durch ain
vnbeschedigt oberkait oder person/ eingeno[m]men/ erlangen/ oder die
einnemer überig haben wurde[n]/ die soellen sy auch als jre aigne ...

urn:nbn:de:hbz:466:1-14356

der Lechter güter/ eingenomen hette/ von solchen gütern/ so weit sich die erstrecken/ in allweg/ vñ zum vordersten/ den beschedigten/ vollige widerlegung/ aller jrer empfangen costen vñ scheden/ souil sy der bey jrem Aid betworen oder behalten mögen/ on ainich jr-der einnehmer sollicher güter einreden/ vnd waigerung/ zusteen/ volgen/ vnd widerfahren lassen.

Ob yemants außserhalbē der beschedigeten/ durch einnehmung der Lechter güter/ ain costen auffgewendet het/ aber die güter denselben/ auch der beschedigten schaden nit erraichen möchten/ wie es gehalten soll werden.

So sich aber der Lechter güter/ wie yetz gemelt/ durch ain oberkait oder andere person/ vor den beschedigten eingenomen/ so wirt als zu widerlegung der beschedigten/ costen vnd scheden/ nit erstrecken/ vnd die oberkait/ oder sunder personen/ darauf mit einnehmung verwarüg/ oder vnderhaltung derselben/ ainichen/ gepürlichen/ zimlichen vñ notdürfftigen costen gewendet oder gelegt heten/ vnd den wie sich gepürt/ glaubwürdig anzaigen wurden/ Also dan sol von solchen eingenomen gütern/ derselb zimlich vnd notdürfftig costen/ durch die einnehmer/ abgezogen/ vnd das überig so weit sich das zu widerlegung der beschedigeten costen vñ schaden erstreckt/ jnen den beschedigten zugestellt werden.

Was die beschedigeten von den gütern der Lechter durch ain vnbeschedit oberkait oder person/ eingenomen/ erlangen/ oder die einnehmer überig haben würdē/ die sollen sy auch als jre aigne güter behalten mögen.

Vnd was also in yetz nechstgemeltem sal/ die beschedigten von den oberkaiten oder sondern personē/ der Lechter güter halber/ durch sy eingenomen/ zu widerlegung jres schadens vnd costens empfangen. Auch die oberkaitē oder sunder personen/ von denselben eingenomen gütern/ über der beschedigten costen/ vñ scheden für sich überig behalten wurden/ dieselben güter sollen die beschedigten/ auch die oberkaiten vñ sūnder personen/ den Lechtern widerumb zugeben/ auch nit schuldig sein/ sunder mögen mit denselben gleicher massen handeln/ vnd thuen/ als mit jren aigen gütern/ Es were dan das sich die Lechter wie obgemelt/

3

mit Recht auf der Acht bringen möchten/ Oder wo nit/sich sunst mit dem beschedigten/den oberkaiten/oder sundern personen/mit derselbe guten willen/Auch mit vnserm Kaiserlichñ Fiscal vertragen/vñ abermalen/über sollichs alles/ lawt vnser vñ des Reichs ordnungen wie sich gepürt von der Acht/absolution erlangen wurden.

Wa sich die einnehmer der echter
güter/den beschedigten dauon jr widerlegung volgen zu lassen/sperrn würdñ/wider dieselben mag auff die acht gehandelt werden.

Vndd wellicher einnehmer der erclerten Echter güter/in fellen wie nechstgemelt/es sey ain oberkait/oder anderer/sich söllicher widerlegung die den beschedigten/für jr costen vnd scheden wie nechstgemelt/von den eingenömen gütern zugescheen/waigern/widern/oder sperren würd. Alsdan soll vnd mag wider dieselben/gleicher massen auff die Acht mit erclerung vnd denunciation procedirt vñ gehandelt werden/wie sich gebürt/ auch vnser vnd des Reichs landfriden/vnd ordnungen vermögen.

So der krais ainer der fridbre
cher/echter/oder wissentlichen enthalter/güter einnehmen wurden/wie es gehalten sol werden.

Souerr aber sich die beschedigeten/oder ander der erclerten Echter güter/nit vnderzogen/oder söllichs nit thuen mügen hetten/vnnd der zirkel ainer oder mer/wie obengemelt/Execution thun/vnd durch söllichen weg/der erclerten echter/oder der wissentlichen fridbrecher/irer helffer/einlasser/vñ enthalter/in der flucht/nacheil oder bald darnach hab vn güter einnehmen wurde/Alsdan soll abermalen in massen wie vor gemelt zum vordersten den beschedigten/dauon widerlegung jrer erlitten costen vnd scheden gescheen/vñ sunst ferrer der übermaß halber/für der zirkel costen mit einnehmung sölicher güter/durch sy die zirkel aufgewandt/ gehandelt werden/wie deshalber ferrer hernach an gezaigt wirdet.

So yemants von erlangter Recht
oder andern vsachen wegen aufferhalbten des Landfridens fellen/in die Acht declarirt würd/ wie alsdan dem clager zu des Echter's gütern geholffen soll werden.